



**Iosephi Vicecomitis Ambrosiani Collegii Doctoris
Observationes Ecclesiasticæ In quo [!] de Antiquis
Baptismi Ritibus, ac Cæremonijs agitur**

Visconti, Giuseppe

Parisii, 1618

Cap. 38. Olim baptizatorum capiti coronam impositam fuisse.

[urn:nbn:de:hbz:466:1-64585](https://nbn-resolving.org/urn:nbn:de:hbz:466:1-64585)

olim baptizatorum capiti coronam impositam
fuisse.

CAP. XXXVIII.

Corona
capiti ba-
ptizatorum
imponen-
batur,

Illud quoque scitu dignissimum est, post
sacram synaxin, baptizatorum capiti co-
ronam impositam fuisse. Quod quamquam
scio multis incredibile visum ita, tamen, uti
ex veterum lectione mihi cognitum est, ita
rem sese habere, demonstrabo. Cæterum
huiusce rei veritas ex scriptorum testimonijs
pendebit. Iam primum S. Gregorius Nazian-
zenus Orat. 23. in laudem Hieron. philol. cū
eum Christianè quidem sentientem, verum
pro ea corruptela, quæ in plerasque regio-
nes irreperat, baptismi sacramentum diutius
differentem, ad Christiana sacra quam celet-
rimè suscipienda inuitaret, coronæ, quæ ba-
ptizatis dabatur, veluti Olympica dignioris,
meminit his verbis: *ades dum, ad sacra hæc, &
mensam hanc mysticam, atque ad me, qui per hæc
sacrum Deificationis munus obo, propius accede: ad
qua sermo, & vita te adducunt, & purgatio ea,
quæ per cruciatum comparatur, ades dum, coronis ne-
stris te deuinciam, ac clara voce, non in media
Lympia, nec in exiguo Græciæ theatro, sed coram
Deo, & angelis, atque vniuerso Ecclesiæ cæta
electorem proclamabo. Et Orat. 40. in sanctum
bapt. populo persuasurus, ut reiectis ignoran-
tiæ, & errorum tenebris, ad Christi Iesu fidē*

se conferret, hunc baptismi ritum clarè profert in medium. cum inquit: *baptismo consignare: hunc tibi vitæ socium, & familiarem asciscere: hic tibi & vitam, & verba moderetur, omnia membra, omnes animi motus, omnes sensus: honore eum complectere, ut te ornet, capiti que tuo gratiarum coronam nectat, & corona deliciarum te protegat.* Cyrillus vero Hyerosolymitanus in sua procattech. cum baptizatos hortaretur, ut omnes vitæ suæ rationes ad instituta rectæ, salutarisque doctrinæ dirigerent, coronæ, ex floribus textæ, quam in baptismo susceperant, libenter eis memoriam refricat, opportunum ratus, ex suavitate odorum, qui afflantur è floribus, ad fructus Christiana professione dignos excitare: *iam (cuius verba sunt) est beatitudinis odor in vobis ò illuminati: iam spirituales colligitis flores ad plectendas cœlestes coronas: iam Spiritus sancti spiravit fragrantia: iam circa porticum regalis palatii fuistis, vinam vero & ab ipso rege introducimini, flores iam arborum apparuerunt, vinam vero & fructus percipiatur.* S. etiam Ioannes Chrylostomus Hom. ad baptiza. de multiplici sacri baptismatis vi, ac dignitate differens, ipsos Christianæ fidei candidatos precatur, ut, cum salutaris baptismatis mysterio initiati fuerint, corona capiti imposita, pro se ipso preces ad Deum fundere non grauentur, norant, inquit, *huius calicis virtutem, qui sunt diuinis consecrati mysterijs: sed & vos paulo post poteritis ad discere, memento igitur mei, quando coronam solis radijs splendidiorē sentietis in capite.* Et Seuerus Alexandrinus lib. de bapt. aper-

tius idem confirmat, scribens: & eleuant baptizatos ad altare, eis que dant mysteria, Eucharistiam, & fertis coronat eos sacerdos. Et paulo post, dum baptizatos ad lætitiã, & vitæ integritatem inuitat: fratres mei, inquit, psallite hymnũ filio dominatoris omnium, qui regum corona vos coronauit, peroptate eam, immutate vestimenta vestra, & candidi estote in modum niui, ac in similitudine Angelorum splendores vestros illuminate. In similitudine Angelorum ascendistis, dilecti mei, in flumine Iordanis, virtute Spiritus sancti haud marcescentes coronas accepistis, fratres mei, & gloriam domus Adami hodie induistis. Rursus ibidem de precatone sacerdotis ad Deum: Deus ille sanctus, sanctitatisque dator, cuius signo obfirmati estis, & impressi anulo chrisimatis fragrantissimi odori, cuius sancto baptisate baptizati estis, ipse dignos vos efficiat cœlesti regno suo, ac pro hac dissolubili corona coronet vos coronis iustitiæ, & operibus bonis. quæ testimonia sic manifestè hanc consuetudinem declarant, vt. qui de ea dubitet, eum rationis expertem esse, necesse sit. Sed fortè quis obijciat, Tertullianum, veterem, & probatum scriptorem, lib. de coron. milit. ostendere, coronæ gestationem Christianos dedecere, ac propterea minimè consentaneum videri, eam baptizatis datam, quam tantus Author improbarit. Quod tamen mihi negocium exhibere non potest, cum & Tertulliani sententia quænam fuerit, & diuersam singulorum temporum consuetudinem extitisse, constet. Nequè enim Tertullianus omni coronæ vsu Christianis interdixit, sed solum eo, qui

Gentilium more licentius inuectus erat. Deinde fieri potuit, vt Tertulliani aetate baptizatorum corona in vsu non esset, quia nec ipse, nec alius, ipsi aequalis, aut superior, eius meminit, verum postmodum ab Ecclesia adhiberi cœperit, sicut de pluribus alijs cœremonijs, & ritibus actum esse. intelligimus.

Baptizatorum corona Tertulliani aetate in vsu non erat.

Cur baptizatorum capiti corona imponeretur, & a quo illa imponi soleret.

CAP. XXXIX.

Multis vero, & ijs quidem grauissimis rationibus adductam esse Ecclesiam, cœse, vt hanc consuetudinem non solum institueret, sed etiam institutam diutius retineret. Primum enim maximè prouidendum erat, vt spiritualis lætitiæ aliquod argumentum extaret. quod quidem facile ostendi posse videbatur, si corona, quam in publicis conuiujs ac festis tam Christiani, quam Gentiles adhibeant, baptizatorum capiti imponeretur. Præterea, cum pacem, & amicitiam corona significaret, quemadmodum Cælius Rhodiginus scribit, valde congruum SS. Patribus visum est, Dei pacem, & amicitiam, quam omnes baptizati cum eo inibant, hoc symbolo demonstrare, b Per multi etiam sunt, qui coronam beneuolentiæ, & amoris indicem esse, tradiderint, quare, vt bap. ex accepti benefic.

Causæ, cur baptizatis daretur corona. Coronatiæ etiæ erat symbolum. a Virg. 1. Georg. Ouid. li. 2. de rem. amor. & li 6. Fast. Iuuenal. Satyr. 9. Clem. Ale. 2. Præd. c. 6 Tertul. de cor. mil. & S. Amb. in Hexam. Corona significabat pacem, & amicitiam.

H h h ij